



UNIVERSITÄTS-  
BIBLIOTHEK  
PADERBORN

**Cl. Viri Valerii Andreae Desselii In Academia Lovaniensi  
Professoris Regii Erotemata Juris Canonici**

**Andreas, Valerius**

**Coloniae, 1697**

IX. De Renuntiatione.

---

[urn:nbn:de:hbz:466:1-62934](https://nbn-resolving.org/urn:nbn:de:hbz:466:1-62934)

## De Renuntiatione.

## TIT. IX.

Expositis modis, quibus acquiruntur dignitates Ecclesiasticæ, sequitur de Renuntiatione, qui est modus abdicandæ huiusmodi dignitatis, & communis est cum aliis beneficiis Ecclesiasticis.

*Contingitne aliis modis amitti & vacare dignitates Ecclesiasticas quàm per renuntiationem?*

**C**ontingit sanè; ut Primò per mortem naturalem, quæ omnia solvit. Per mortem civilem, ut si quis Monachus fiat, id est emissionem voti in Religione approbata faciat. III. Per Promotionem, id est adeptionem pacificam alterius beneficii, quod cum priori sit incompatible. Sic electus Episcopus mox à die confirmationis amittit omnia priora beneficia. IV. Per viam voluntariæ permutationis. V. Ob varia etiam crimina amittuntur dignitates Ecclesiasticæ, si non statim ipso jure, saltem eatenus, ut causa cognita deponi possit.

*c. 3 h. 8.*

*c. Cum  
in cum-  
tis sup.  
delect.*

Deniq; Renuntiatione, quemadmodum hic explicat S. Pont. qui cum prædictis omnibus sub uno vocationis nomine contineri videtur.

*Quidigitur est Renuntiatio ?*

Est abdicatio spontanea beneficii Ecclesiastici, vel juris sibi competentis, apud Superiorem Canonicè facta.

*Quid requiritur ad hoc . ut valida sit renuntiatio ?*

6.2.3. 6. Requiritur in primis, sit libera, non vi, nec metu extorta, nec etiam falsâ persuasione ad hoc inductus renuntians, & cum permisso Superioris, qui vel est S. Pont. quoad renuntiantes, Episcopatibus, aut etiam aliis dignitatibus Episcopatu inferioribus, si renuntiantes fuerint exempti, id est Episcoporum ordinaria jurisdictione soluti, solique Sedi Apostolicæ ordinariè subjecti; vel à quibus dignitates & beneficia Ecclesiastica obtinentes confirmati sunt, aut institui.

4. De his  
qua vi  
metusve  
caus. c.  
lecta  
pen. h. 2.

6 ult. eod

*Cur hic Superioris licentia seu consensu opus est ?*

Juris quidem est ordinarii, ut in privatis quilibet res suas liberè possit abdi-

abdicare, verum n̄ beneficium Ecclesia-  
sticis etiam minimis aliter obtinet: quia  
omne beneficium habet adjunctum offi-  
cium & ministerium, propter quod &  
datur: cui (utpote publico, & in quo  
magis spectatur Ecclesie utilitas, quam  
privatum reuoluantis commodum)  
Clericis se abdicare sine Superioris per-  
missu non potest: non magis quam mi-  
les sine consensu sui ducis deserere mili-  
tiam, cui semel adscriptus est. Si tamen  
beneficium sit juris patronatus laici, et-  
iam consensum patroni, saltem ex ho-  
nestate, sunt, qui requirant.

*c. ult. De  
rescriptis.*

*l. 2. §. 6.  
lib. D. De  
re militi-*

*Renuntiatio huiusmodi ex quibus cau-  
sis fieri solet?*

Non ex qualibet causa; ut si quis for-  
te senium alleget, qui tamen Eccle-  
siae suae utilis esse posset: verum si una ex  
his sex causis concurrat, ut conscientia  
alicujus gravis criminis, magna cor-  
poris debilitas, defectus scientiae, mali-  
tia plebis, quae Episcopum suum nullo  
modo pati possit, grave scandalum,  
quod vitari debet, & irregularitas,

*c. 1. h. tit.*

*c. Niss  
10. in pr.  
eod.*

*Si quis ergo propria auctoritate cesserit, an  
beneficium perdet?*

*Nequaquam; quia saltem beneficium  
pro-*

proprietas penes eum remanet. Quamvis enim beneficium respectu eius, qui illud privatim resignat, intelligatur vacare, quia quantum in se fuit desertorem egit; ista tamen cessio respectu si ecclesiae, ad eum non est alicujus momenti, quin desertor in ordinem redigi possit, & ut suo munere fungi pergat, per ultionem Canoniam impelli.

e. Nuper  
4. inf. de  
bigā non  
ordin.  
c. Admo-  
net 4. h.  
t.

*Renuntiatione semel admissa daturne  
pœnitenti regressus ad idem bene-  
ficium ?*

e. 3. h. t.

Non datur; quia renuntiatione ex justa causa semel admissa, manet causa, etiam si renuntiantem ejus pœniteat. Adeoque si ab eodem differat cogi potest abire. Si tamen iterum ad idem beneficium eligi eum contingat, non prohibetur redire.

e. Qui-  
dam 12.  
ead. 2.  
ead.

*An S. Pontifex renuntiare pote-  
rit Pontificatui ?*

Potest: quod enim dicitur, renuntiationem debere fieri auctoritate Superioris, quem Pontifex non habet, intellige, ubi est Superior,